

## Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Kupac) i**
2. **KING ICT d.o.o. Sarajevo, Aleja Bosne Srebrene 34, ID broj 4201150250005, koje zastupa direktor Adis Pobrić (u daljem tekstu: Prodavac)**

**zaključili su:**

## **UGOVOR O NABAVCI RAČUNARSKE OPREME - (LOT 2)**

### **PREDMET UGOVORA**

#### **Član 1.**

Predmet ugovora je nabavka računarske opreme za potrebe Ministarstva unutrašnjih poslova Kantona Sarajevo, i to za LOT - 2 – Serveri

Nabavka je izvršena putem otvorenog postupka, a na osnovu Odluke o pokretanju postupka broj 01-11-4-3496 od 07.07.2021. godine i godine i Obavještenja o nabavci broj 1364-1-1-29-3-17/21 od 29.07.2021. godine.

Ponude ponuđača od 19.08.2021. godine kao i Odluka o izboru ponuđača broj 01-11-4-3496-4 od 30.08.2021. godine, čine sastavni dio ovog ugovora.

### **VRIJEDNOST UGOVORA**

#### **Član 2.**

Ukupna vrijednost ugovora za robe iz Člana 1. ovog ugovora iznosi 42.850,00 KM bez PDV-a (četrdesetdvijehiljadeosamstotinapedeset i 00/100 KM).

Ugovorena cijena uključuje, pored navedenog i pakovanje, transport i troškove osiguranja.

### **NAČIN PLAĆANJA**

#### **Član 3.**

Kupac će Ponuđaču izvršiti plaćanje ugovorene vrijednosti iz člana 2. ovog Ugovora u roku od 15 dana od dana isporuke i dostavljanja fakture.

### **ROK ISPORUKE**

#### **Član 4.**

Ponuđač se obavezuje da će isporuku izvršiti u roku od 60 (šesdeset) dana, od obostranog potpisivanja ugovora, a prema uslovima iz prihvaćene ponude.

Kvalitativni i kvantitativni prijem robe će se izvršiti zapisnički u prostorijama Ministarstva unutrašnjih poslova Kantona Sarajevo.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

## GARANTNI ROK ZA ISPORUČENE PROIZVODE

### Član 5.

Ponuđač daje garanciju na isporučenu računarsku opremu od 36 (trideset šest) mjeseci od dana isporuke.

### Član 6.

Sve naknadne troškove nastale nakon isporuke robe, a koje se odnose na zamjenu oštećenih roba kao i neodgovarajućeg kvaliteta koje je potrebno zamijeniti, osim šteta koje izazovu operateri Kupca, ili koji nastanu njihovim uticajem, snosit će Ponuđač i sve takve eventualne isporuke bit će za Kupca besplatne i isporučene.

## GARANCIJA ZA DOBRO IZVRŠENJE UGOVORA

### Član 7.

Prodavac je dužan, u roku 10 (deset) dana od dana obostranog potpisivanja ugovora, Kupcu dostaviti bezuslovnu garanciju za dobro izvršenje ugovora. Iznos garancije za dobro izvršenje ugovora je 10% od ukupne vrijednosti ugovora (vrijednost ugovora sa PDV-om).

## ZABRANA ZAPOŠLJAVANJA

### Član 8.

Ponuđač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

## ODGOVORNOST I VIŠA SILA

### Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

### Član 10.

Ovaj ugovor se zaključuje na period do okončanja isporuke i stupa na snagu danom obostranog potpisivanja.

### Član 11.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

**PRODAVAC**

**KING ICT d.o.o. Sarajevo**

**direktor**

**Adis Pobrić**

Datum: 20.10.2021.g.

Broj: 160-00/1645

**KUPAC**

**MINISTARSTVO UNUTRAŠNJIH POSLOVA  
KANTONA SARAJEVO**

**minister**

**Admir Katica**

Datum: 11.10.2021. godine

Broj: 01-11-4-3498-6